Or comme cette Colonie est encor en son Enfance, Messieurs de Monstreal zelé pour la Conuersion de ces peuples, ont aussi fait paroistre l'excez de leur amour & de leur charité enuers la Colonie [4] Françoife. La Reyne dont les bontez ne font point limitées par les bornes de l'Europe, s'est nettement declarée la Mere & la Protectrice de ses fujets François & Sauuages de ces contrées. Toutes ces benedictions font d'autant plus douces qu'il y a d'amertumes dans vn païs tout remply d'horreur & de barbarie, car il faut auoüer que ces peuples font extremement esloignez de la courtoisie Françoise, & qu'il faut des Heros, des Hercules, & des Geans pour combattre des Monstres, des Hydres, & des Demons. Les Sauuages qui fe trouuent ordinairement dans toutes nos habitations, depuis Tadoufac iufques à Monstreal, ont esté cultiuez auec vn grand foin, & auec beaucoup de peines en diuers endroits. Les Vrfulines & les Hospitalieres fe font acquittées de leurs fonctions auec des ioves & des contentemens dignes de leurs courages; celles-cy ont esté affligées par de longues maladies de leurs Sœurs, & les premieres ont trouué vn nouuel employ pour l'instruction des Sauuages. Les femmes Chrestiennes demanderent à vn Pere de nostre Compagnie s'il n'y auroit pas de moyen que quelqu'vne de ces bonnes [5] Meres vint demeurer auec elles pour les faire prier Dieu, cela n'estant pas dans la bien-feance, elles leurs enuoyerent l'vne de leurs Seminaristes, qui s'est fort bien acquittée de son petit deuoir.

Les Peres de nostre Compagnie ont trauaillé auec fuccez. Les Sauuages de plusieurs petites Nations fe sont petit à petit approchées, & le bruit de l'Euan-